

洗面，到耳

洗面，到耳，有兩種意思：

第一種是提水將鼻目喙洗予清氣。講到洗面，我想著有因仔拄睏醒洗面，提面布共目 tsiu1 搵予澹，就向爸母報告：

「我面洗好矣。」

結果，睏逝、喙瀾逝好溜溜留踎喙 phue2，予看現現，真是好笑，真是搵澹無坭儂。

俗語人講，洗面洗耳邊，掃厝掃壁邊；閣講，會曉洗面，免佻濟水。確實有影，會曉洗面的人，鼻、目、喙、喙 phue2，一直到耳的內外，攏嘛清氣鏘鏘；袂曉洗面的人咧，洗袂清氣、討濟較濟水以外，耳空閣會浸著水呢。

第二種是講話譬相、khau1 洗人，予無爽快。舉一 e5 例來講，阿生足歡喜，品講欲起厝，阿榮和阿玲無甲鬥歡喜，閣當阿生的面講：

「甲遐快，厝內囤無三塊磚仔著想欲起厝！」

「有啥好歡喜的，阮兜一支柱仔，嘛較贏你欲起的規棟新厝！」

這種洗面法，毋但到耳無爽快爾，已經像刀割骨、針 ui1 心矣，阿生對阿榮和阿玲無怨感一世人，也難。